

ОБЩЕСТВО С ОГРАНИЧЕННОЙ ОТВЕТСТВЕННОСТЬЮ «АНДИЖОН НАШРИЙОТ-МАТБАА»

Odiljon Qodirov

BEG‘UBOR TUYG‘ULAR

«Andijon nashriyot-matbaa» MCHJ

2013

UO'K: 821.512.133-1

KBK 84(50'zb) 7

Q-53

Y. S. Qodirov

Q-53. Qodirov Odiljon. «Beg'ubor tuyg'ular» she'rlar. "Andijon nashriyot-matbaa" MChJ, 2013- yil, 32-bet.

Aziz o'quvchi, shoir Odiljon Qodirovning nomi sizga avvaldan tanish bo'lsa, ajab emas. Chunki, uning sizlarga bag'ishlangan qator she'riy kitoblari nashr etilgan. Shoirning yangi kitobi "Beg'ubor tuyg'ular" ham siz aziz bolajonlarga baxshida etilgan.

Shoirning bu yangi to'plami ham kitob javoningizdan munosib o'rin olishiga ishonamiz.

ISBN 978-9943-4137-7-1

© O.Qodirov, 2013.

© "Andijon nashriyot-matbaa" MChJ, 2013

Alisher Navoiy

nomidagi

O'zbekiston MK

2014/16

A

1332

1042293
091



BOLALAR IJODKORI

Aslida bolalarga bag'ishlab she'r yozish oson emas. She'r yozib ularga ma'qul qilish undan ham qiyin.

Bolalarga mo'ljallab she'r yozish uchun ularning psixologiyasini, xarakterini yaxshi bilish kerak. Bundan tashqari ularning tili va qiziqishini, dunyoqarashini ham yaxshi anglash kerak.

Xo'jaobodlik shoir Odiljon Qodirovda ana shu talab etilgan fazilatlarning hammasi mujassam. Shuning uchun ham Odiljon yozgan she'rlar ko'pincha muvaffaqiyatli chiqadi. Boisi Odiljon Qodirov 40 yilga yaqin o'rta maktabda bolalarga til va adabiyot fanidan dars berdi. Bu sohada katta tajribaga ega.

Odiljon ijod qilgan she'rlar ixcham va sodda, fikrlari lo'nda, yumorga boy. Uning she'rlari ikki-uch, nari borsa to'rt-besh banddan iborat.



Quyidagi she`rlar fikrimizni tasdiqlaydi:

- Qani tur Hasanali,
Echdingmi masalani?
Yozganlarim o`chirdim,
Gulshanoydan ko`chirdim.

Yoki "Usta" she`rida:

Buzilsa televizor,
Baxtiyor "tuzatar zo`r".
Payvandlaydi, qaraydi,
Bir haftaga yaraydi.

Bunday quvnoq she`rlarni bolalar sevib o`qiydi va tezda yodlab oladi.

Shoirning "Jo`mragi uchdi", "Erib ketdi", "Shaxmatchi", "Kamarim ham yangi", "Mehmondo`st" kabi she`rlari borki, bu she`rlar bolalarning beg`ubor qalbidan mustahkam joy oladi.

Men shu ma`noda Odiljon Qodirovni kichkintoylarning katta shoiri degim keladi. Men noyob iste`dod egasi bo`lgan shoir Odiljon Qodirovga mustahkam sog`liq, ijodiga baraka va beg`uborlik tilayman.

Nusrat ABDUSALOM,
shoir.

XUSHMANZARA DIYOR

Qishlog`imga do`stlarim havas bilan qaragan,
Sohibkori uzumin beshbarmoqday taragan.
Dilkushodning gilosi hil-hil qizarib pishgan,
Xaridori Quvadan do`stlarim yo`li tushgan.

Shahrixonsoy suvini tol barglari silaydi.
Dur-qatrasi shaldirab go`yoki erkalaydi.
Moviy ko`lda qayig`im bir maromda suzyapti,
Oh, sayr gashtin yigit-qiz chin dilidan sezyapti.

Yettichinor yurtga ko`rk, oltin boshqoq doni bor,
Odamlari saxiy deng, tandir to`la noni bor.
Mehmonlarni orziqib biz "Do`stlik"da kutamiz,
Yozib keng dasturxon bir piyola choy tutamiz.





OQ KABUTAR – OSMONIMDA

Kecha qiziq tush ko'rdim,
Osmonimda qush ko'rdim.
Buvi, Sizga atab men
She'r yozmoqni xush ko'rdim.

- Hoy, Janubga uchgan qush,
Kel, pastlab yonimga tush.
Ketib qolma yiroqqa,
Qo'ngin Faqirqishloqqa.

Salomim ayt, ularga,
Yana qaytgin Uralga.
-Bo'pti, ey askar yigit,
So'zlaring menga o'git.



ASKAR O'G'LIN SOG'INIB...

Otam bir so'zli edi,
Xizmatga chog'lansam dedi:
Xatingni olsam qo'lga,
Tushaman shu on yo'lga.

Chaqirib, - der komandir,
Qism Solikamsk tomondir.
-Tez kiyin, senga ruxsat,
Taqib medaling ko'rsat.

Otang, akang kelishgan,
Fo'rmang biram yarashgan.
Uchrashib quchoqlashdik,
Boladek inoqlashdik.

O'rik, uzum opkepti,
Xaltasiga sopkepti.
Yotdik mehmonxonada,
O'n beshinchi xonada.



Aylanib Solikamskda,
Uch kun yurdik kamida.
Rasmni esdalik bilib,
Suratga tushdik kulib.

Kuzatyapman ularni,
Sizga aytay shularni.
Rus zobit yurib - qaytdi,
O'zbekcha to'rt so'z aytdi.

Qaysi deng: suv, choy, go'sht, non,
Tinglar akam Ne'matjon.
Do'ppiga kulib boqdi,
Muomalasi yoqdi.

G'ururlandi otamiz,
-Poezd keldi ketamiz.
Ko'zlari menda edi,
"Xo'p, xayr, xayr, o'g'lim", -dedi.

«Vup! Vup!» yangrar Uralga,
Qo'l siltadim ularga.



NURAFSHON UYLAR

Yangi "Navro'z" mahalla,
Chiroy ochar tong palla.
Yo'llar ravon, uy qator,
Elni quyosh uyg'otar.

Rango - rang gullar hidi,
Kelganlar ko'rib deydi:
Yangi uy – ikki qavat,
Soz yashashga bu da'vat.

Keng, yorug', ko'rkam, qulay,
Zamonamdan o'rgilay!
Suv, elektr, olov gazim.
Davrimga qilay ta'zim.

2014/16 A ₁₇ 1332	Alisher Navoiy nomidagi O'zbekiston MK
------------------------------------	--

GAZETAM

(Xo'jaobod tumani gazetasiga)

Chindan aytsam do'stlarim,
Quvonadi ko'zlarim.
Oddiylikda so'zlarim,
Chiqqani rost « Haqiqat ».

Muxlisimiz Azimsher,
Gazetamiz o'qib der:
Lavha, etyud, hajviy she'r,
Berilgani haqiqat.

Sahifasi rang – barang,
O'zingiz o'qib qarang.
O'cherk, repo'rtaj, sanang,
Ma'naviy gap – haqiqat.

Zafarga da'vatkorsan,
Barchaga barobarsan.
Yosh yuragimda borsan,
Aytganim dil haqiqat.

OLMA KO'CHATI

(Akam G'ofirjonni eslab...)

Akam yumdi ko'zini,
Eslab shirin so'zini.
Yorin silab yuz, qoshin,
Ayam to'kar ko'z yoshin.

Quvalik do'sti Rasul,
Motamida muttasil.
Ajralib do'ppisidan,
Tursa el so'rar bizdan.

Yangi payshanbasida,
O'n tuplar chamasida.
Olma ko'chat keltirdi,
Sadoqatin bildirdi.

- Rahmat , - deb o'rtog'iga
O'tqazdik chorbog'iga.
Yilning har to'rt fasl chog'i,
Yashnar xotira bog'i.



ERIB KETDI

Elar izg'irin, shamol
Chana tortar sho'x Jamol.
- Tashqariga chiq, G'ani,
Tunov kungí qor qani?
Kel, bahorim, - degandek,
Eribdi oq shakardek.

SHAXMATCHI

Yon qo'shnimiz Rahmatchi,
Nomi chiqqan shaxmatchi.
O'ynab Buloqboshida,
Oq-qora-yu toshida.
Do'stim, Siz ham qarang, - der,
Zokir bo'ldi durang, - der.



Umidjonim nabiram,
Bergan edim do'mbiram.
Chertib-chertib chalyapti,
Doim ko'nglim olyapti.



KETMON

Kuzda shudgorlab yerni,
Ketmonda to'ntaraman.
Rizq bergani chun uni
Elkamda ko'taraman.

XOTIMA

Mundarija – bir tartib,
To'g'rimi, do'stim, Latif?
Yozayin, - deb yaxshi she'r,
To'kdim ancha halol ter.

She'rga sarlavha qo'ydim,
Men takror o'qib to'ydim.
Siz ham o'qing, avaylang,
Mazmunin dilga joylang.

1200 copy

Adabiy – badiiy nashr.

Odiljon QODIROV

“Beg‘ubor tuyg‘ular”

She‘rlar

Muharrir

Tex. muharrir

Musahhih

Sahifalovchi

Nusrat Abdusalom.

Tolibjon Qo‘ziboyev.

Nigora Tojimatova,

Nilufar Yuldasheva

Zuxriddin Umurzoqov.

Noshirlik litsenziyasi AI №175. 11.06.2010 yil.

Bosmaxonaga 2013-yil, 10-iyunda berildi. Bosishga 2013-yil 25-oktabrda ruxsat etildi. Bichimi 60x84. 1/32. Hajmi 1,0 bosma taboq. Nashriyot tabog‘i 0,9. Times New Roman garniturasida, ofset qog‘ozi, ofset usulida chop etildi. Buyurtma №1793. Adadi 300 nusxa.

“Andijon nashriyot-matbaa” MCHJ bosmaxonasida chop etildi.
Manzili: Andijon shahri, Navoiy shohko‘chasi, 71-uy.